


VSCHINAUNCHA DA S-CHANF



UORDEN

**davart il servezzan da lavinas da la
vschinauncha da S-chanf**

Uorden davart il servezzan da lavinas da la vschinauncha da S-chanf

Art. 1 Böt

La vschinanuncha da S-chanf instituischa ün servezzan da lavinas per il territori cumünel da S-chanf.

Las activitads dal servezzan da lavinas haun per böt da sgürer il meglder pussibel cunter ils prievels da lavinas.

Art. 2 Survagliaunza

L'autorited da survagliaunza es il cussagl cumünel.

Art. 3 Organisaziun

Il servezzan da lavinas cumpiglia:

- Cumischiun da lavinas
- Servezzan d'observaziun
- Servezzan da serreda da vias
- Servezzan d'evacuaziun
- Servezzan da salvamaint
- Servezzan d'infuormaziun

La cumischiun da lavinas, il servezzan d'evacuaziun, da salvamaint e d'infuormaziun suottastaun al cussagl cumünel. Il servezzan d'observaziun e da serreda da vias suottastaun organisatoricamaing a la cumischiun da lavinas.

La cumischiun da lavinas as cumpuona dal schef, vice-schef e da 1 fin 2 ulteriurs commembers.

Il cussagl cumünel elegia ils commembers da la cumischiun da lavinas scu eir il schef e vice-schef dals differents servezzans, adüna per la düreda da trais ans, süls 1. schner.

Cun las instituziuns ed intrapraisas integredas i'l servezzan da lavinas stipulescha il cussagl cumünel cunvegnas relativas.

Art. 4 Disposiziuns executivas

Il cussagl cumünel relascha disposiziuns sün proposta da la cumischiun da lavinas e dals singuls servezzans a regard lur organisaziun e lur dovairs.

Art. 5 Sgüraunzas

Ils funcziunaris dal servezzan da lavinas e tuot las persunas suottamissas a tel sun düraunt lur activiteds in nom da la vschinauncha sgüredas cunter accidaints da lavur.

La vschinauncha stipulescha pel servezzan da lavinas üna sgüraunza da respunsabilted chi spordscha garanzia da sgüraunza cunter pretaisas d'indemnisaziun da dans da persunas e dans materiels.

Art. 6 Respunsabilted

Ils funcziunaris dal servezzan da lavinas e tuot las persunas suottamissas a tel sun respunsabels per lur activited unicamaing tenor la ledscha da respunsabilted dal chantun Grischun per autoriteds ed uffiziants dal chantun, districts, circol, vschinaunchas e corporaziuns da dret public.

Art. 7 Salarisaziun

Ils funcziunaris dal servezzan da lavinas vegnan salarisos tenor il reglamaint cumünel regard l'indemnisaziun da las cumischiuns e'ls funcziunaris secunders.

Art. 8 Entreda in vigur

Quista ledscha aintra in vigur cun l'approvaziun tres la radunanza cumünela.

Approvo da la radunanza cumünela dals 30 november 2005.

Vschinauncha da S-chanf

Il president:

D. Campell

L'actuar:

P. Mayer